

明代傳記叢刊・名人類②
周駿富輯

皇明開國臣傳(二)

(明)朱國禎輯

明文書局印行

皇明開國臣傳卷之七

臣朱國禎輯

尚書學士承旨詹公

附吳琳

呂本

公名同字同文舊名書婺源人穎靈抱奇氣學士虞集弟槃見而奇之妻以女授易于甘楚材學春秋於劉彭壽至正中舉茂才異等授郴州學正遇亂道梗奉父鼎家黃州仕陳友諒爲學士承旨兼御史甲辰王師下武昌來歸與講經史占對不窮授中書博士因薦吳琳琳黃閩縣人父應澍好施教里中稱西山先生琳純篤力問學王師下武昌徵名儒詹同以琳應召爲國子助教與同並教胄子琳才藻不及同而經義過之上時召琳客時事吳元年遷浙江僉事尋陞兩淮運同皆效職有

名稱入爲起居注洪武四年陞太常卿本年晉兵部尚
書八年與司業宋濂主京闈鄉試十月具奏將士之數
凡二十萬七千八百二十五人各定衛所五年有事于
方丘上命琳與濂選文學能賦之士以從琳進學士
夏悅等稱爲盛典六年代呂本爲吏部尚書與詹同迭
視事七年以老致仕家居密使啓之使潛至旁舍見一
農人坐小几起拔秧布田貌甚端謹使者曰此有吳尚
書家安在其人尚在否農人歛手對曰琳是也使者還
白上益重之第琛

衢州同知卓有政聲

經義并得召時方集功臣子弟於

內府令教之改國子博士淹貫羣籍有叩輒應對制敏
捷易名曰同尋陞考功郎中未幾以爲侍制起居注丙
午命求遺書攷宗廟時享禮洪武元年四月命畫古孝
行及起家戰伐歷來愁苦爲圖以垂世訓二年陞侍讀
學士會中丞劉基疏請存待大臣之體勿加困辱同因

取戴記及賈誼疏以進且復開說剴切 上深納之四

年陞吏部尚書六年改學士承旨仍同呂本

本鳳陽壽州人仕元

爲元帥府都事其後來歸歲丙午爲中書掾史吳元年授湖廣行省照磨洪武二年陞中書省右司郎中四年改左司郎中五年陞刑部侍郎尋進吏部尚書六年除太常寺卿七年以事左遷北平僉事尋召還授禮部尚書未幾出爲兩浙運使十二年復授太常寺卿疾卒賜葬鍾山之陰無子其女爲 皇太子妃 迭視吏

部事與樂韶鳳上所製釋奠先師孔子樂章迎神奏咸

和之曲奠帛奏寧和之曲初獻奏安和之曲亞獻終獻

奏景和之曲徹饌奏咸和之曲送神復奏咸和之曲

上曰祭貴乎誠若省牲告克告脯及禮之煩文者並宜

革之九月同等上言自 上起兵渡江以來功業隆重

再開乾坤秩古帝王雖有紀載而未成書乞編日曆藏之金櫃傳于後世 上從其請命與侍講學士朱濂爲總裁官濂薦義烏人黃和可贊編摩 上召和而苑慰問良久復使見 皇子賜綺裘革履它日 上召同與劉基宋濂燕便閣同被酒還史館賦詩贈和少選復宣赴右順門 上乘步輦至曰卿餘醒未解邪同對臣雖醉猶能賦詩贈黃秀才 上亟取觀之咲顧濂曰朕卽和同詩卿爲書之書訖賜和蓋一時翰林學士同與宋濂吳沉樂韶鳳並有時名號詹吳樂宋而濂尤被寵矣一日偶言及竹 上曰竹類亦多乎對戴凱之所譜

至五十餘種惟吳越山中有方竹者四枝直上若有廉隅上大夫往往以爲叩杖 上曰有諸乎對曰有之旣退獲一枝以獻 上摩娑悅之御草方竹記一通記末美同人偉氣豪召至端門繕書賜之七年五月大明曆日成自 上起兵臨濠至六年癸丑冬十二月凡征伐次第禮樂沿革刑政設施羣臣功過四夷朝貢之類無不具載爲一百卷又與宋訥言曆日藏之天府人欲見之有不可得臣請倣唐太宗貞觀政要分類更輯聖政爲書以傳天下後世 上從之分四十類自敬天至制蠻夷凡五卷名皇明寶訓自後凡有聖政史官日記錄

之隨類增入九月詔科舉暫且停罷令有司察舉賢才
必以德行為本文藝次之仍令同選國子成材者與所
舉參用授主事給事中御史等官時用彭通等爲給事
中并國子生李擴等入文華武華二堂謂之小秀才丙
寅 皇明寶訓垂成同請老賜勅遣歸未幾起爲學士
承旨六月與宋濂議以 上行初獻禮奠玉帛將畢卽
分獻官行禮亞獻終獻皆如之 上從其議又謂古人
祭用香燭皆所以道達陰陽以接神明初無上香之禮
遂定凡祭祀罷上香復以老乞休許之官其子魯召入
賜坐從容慰勞出御製文賜之尋卒於家所著天衢吟

嘯及海濱集子微

尚書祭酒樂公

公名韶鳳字舜儀

一日廷瑞

滁州全椒縣人乙未謁

高皇

於軍門與語奇之是秋扈渡江叅軍事從下金陵丁酉
授江西行省管勾洪武三年授起居注四年遷給事中
尋進中書左司員外郎本年陞兵部侍郎六年陞本部
尚書正月戊午 上念天下既定恐中外將卒習於安
逸弛武藝命同省臺督府定議教練軍士法并定賞罰
各有差本年六月改侍講學士與承旨詹同定祀孔子
樂章七月製中都城隍神主 高皇親爲文遣韶鳳奉
安九月編集大明日曆命爲催纂官又命擇唐宋名儒

表箋可爲式者頒行天下七年九月 上以祭祀選用
樂舞前導命翰林儒臣撰樂章以致敬慎鑒戒之意仍
諭皆寓諷諫之意至是上所撰神降祥神貺惠并酣酒
色荒禽荒諸曲凡三十九章曰回鑾樂其辭皆存規切
其舞分爲八隊皆八人禮部具圖命樂工肄習之八年
三月 上以舊韻起於江左多失正音命與諸廷臣以
中原雅音正之書成名曰洪武正韻九月命攷陵寢朔
望節序祭祀禮定以每歲元旦清明七月望十月朔冬
夏二至日用大牢其伏臘社芻月朔望日則用特羊祠
祭署官行禮如節與朔望伏臘社同日則用節禮十一

月詔定登壇脫舄禮 上俱從之未幾以病危九年起

國子司業十二年三月陞國子祭酒本年八月又詔定
皇太子與諸王徃復書劄禮公考據精詳屢蒙褒答

上賜諭曰文廟之設是尊先師也因之爲國學焉歷代
以之訓君嗣教公子也觀斯所以不爲不重故哲王必
選名儒以導學者今朕法前代命爾承是師範闡揚博
通使幼者記壯者解毋怠寸陰不但稱汝職任甚有補
於朕政汝徃欽哉十三年雷震奉天殿 上以羣臣多
不職罷之公予致仕以壽終爲人和易簡諒兄弟皆知
名於時曰暉人材知開封府曰禮太常卿曰毅諸暨同

知並知名公有友人趙奎王才陳旭魯文質陳友此五人者並起畝澮從上渡江取采石奎體貌魁岸有材略立功授總管守宜興洪武四年從征甘肅猝遇敵衆畏怖奎獨奮殊死戰敗之上喜加賞旭英毅多智識友有膽氣常居前鋒才尤壯武文質攻醫授太醫院判奎才並都指揮使旭從靖難封雲陽伯友平蠻功封武平伯

尚書崔公 牛公 任公 李公 滕公

周公 端公 程公 錢公 任公

翟公 陳公 嚴公

崔公名亮字義夫藁城人元末爲省掾王師至舊館來
附授中書禮曹主事遷濟南知府撫綏得士民感服
洪武元年陞禮部尚書母憂仍起原官癸未詔定官員
親屬冠服及隸卒軍士等制各有差三年上諭亮曰
司天臺言朔旦以來日有黑子占者多以爲祭天不順
禮所致可爲攷古制之亮引用漢宋唐及元損益不同
復以國朝前議圖丘從祀之禮以漢唐爲煩故正祀日

月星辰太歲爲簡常 上然之復闕郊祀天地拜位皆
正中而百官朝參則列東西避正中何也亮對以天子
祭天陞自午陞祭社陞自子陞社主陰北方也故君
南向答陰之義也郊主陽南方也故君北向以答陽也
若羣臣朝參無答神之義俱當避君上之尊故升降則
皆由鄉陞朝班則分東西立以避馳道其義不同 上
是之令左右不得越三尺承命議百官及內史監官于
皇太子親王前稱殿下自稱名若本宮內史本府官及
承奉司于 皇太子親王前俱稱殿下自稱臣百官在
上前稱 皇太子親王稱曰 皇太子某王又定大朝